

ՀՈԴՎԱԾՆԵՐ ԵՎ ՀԱՂՈՐԴՈՒՄՆԵՐ СТАТЬИ И СООБЩЕНИЯ

ԹՈՐՈՍ ԹՈՐԱՄԱՆՅԱՆ

(ՍԵՆՏՅԱՆ 120-ամյակի առթիվ)

Ճարտարապետության դոկտոր Վ. Մ. ՀԱՐՈՒԹՅՈՒՆՅԱՆ

Հայազգի գիտնականների բազմաբեղուն համաստեղությունը XX դարի սկզբին հարստացավ ես մեկ անունով: Հայ պատմաբանների, բանասերների, ազգագրագետների, լեզվաբանների, գրականագետների ու հոգևոր մշակույթի այլ բնագավառների գործիչների թվին ավելացավ Թորոս Թորամանյանը: Նրան վիճակվեց հայ ժողովրդի ճարտարապետական հարուստ ժառանգությունն ըստ ամենայնի հետազոտելու և քաղաքակիրթ աշխարհին ներկայացնելու բարձր պատիվը:

Հարուստ է ու բազմաբովանդակ Թորամանյանի գիտական ժառանգությունը: Նույնիսկ դժվար է հավատալ, որ այդ ամբողջը մեկ մալդու գործ է, այն էլ՝ հիմնականում կատարված նախասովետական շրջանի խիստ անբարենպաստ պայմաններում: Հետախույզի նրա սուր աչքից չի վրիպել հայ ճարտարապետության որևէ բնագավառ, նույնիսկ երկրորդական որևէ հարց: Զարմանալի խորագնացումներ և կարողացել է թափանցել երևույթների մեջ, տալ գիտական ճիշտ մեկնաբանումներ, ստեղծել անվիճելի գրություններ հայ ժողովրդի շինարարական արվեստի բոլոր ասպարեզներում: Թորամանյանը հայ ճարտարապետության հավաքական հանրագիտարան է, նրա ամենահանգիստ կավոր մասնագետն ու մեկնաբանողը, հետազոտական մի ամբողջ դպրոցի հիմնադիրը:

* * *

Թորոս Հարությունի Թորամանյանը ծնվել է 1864 թ., Արևմտյան Հայաստանի Շապին Գարահիսար քաղաքում, հողագործի ընտանիքում: Դեռևս մանուկ հասակում գրկվելով ծնողներից, կրթություն ստանալու համար 1884 թ. նա Կ. Պոլիս է մեկնում բաղնիկամանների օգնությամբ: Այստեղ միայն չորս տարի հետո կարողանում է ընդունվել Գեղարվեստից ճեմարանի ճարտարապետական բաժանմունքը, որն ավարտում է 1893 թ.: Ճարտարապետական գործունեությամբ նա սկզբնապես զբաղվել է Կ. Պոլսում, որտեղից 1896 թ. եղբերական դեպքերի կապակցությամբ փոխադրվել է Բուլղարիա: Հանգրվանելով Սոֆիա և ապա Վաննա քաղաքներում, «Թորոս Խալֆան» (ինչպես նրան անվանում էին այստեղ), նախագծում և կառուցում է բավական թվով մենատներ և այլ շենքեր¹: Այսպիսով, Կ. Պոլսում և Բուլղարիայում, այնուհետև Ռումինիայում Թորամանյանը շուրջ տասը տարի զբաղվել է գործնական նախագծումներով: Հակված լինելով դեպի գիտահետազոտական աշխատանքը, արվեստի ու ճարտարապետության պատմությունը, շուտով նա ընդմիշտ հրաժարվում է պրակտիկ գործունեությունից:

¹ Հայկ. Հաճույան. Թորոս Թորամանյանը Բուլղարիայում. — «Սովետական արվեստ», 1965, № 9, էջ 47—51:

Խնայած չնչին գումարներով Թորամանյանը ձեռնարկում է մի շարք ճանապարհորդություններ, լինում է Եգիպտոսում, Հունաստանում, Հոլմում, իսկ 1902 թ. մեկնելով Փարիզ, Սորբոնի համալսարանում լսում է լավագույն մասնագետների դասախոսություններն արվեստի ու ճարտարապետության պատմության վերաբերյալ՝ նախապատրաստելով իրեն ապագա գիտահետազոտական աշխատանքների համար։ Այստեղ նա հանդիպում է բանասեր Կարապետ Բասմաճյանին, որին ծանոթ էր դեռևս Պոլսից, ու ընդունում նրա առաջարկը՝ գիտական մի արշավախմբի կազմում Անի մեկնելու վերաբերյալ և նրա հետ Հայաստան է գալիս 1903 թվականին։

Հայրենի երկիրը Թորամանյանի առջև բացվում է որպես հեքիաթալի մի աշխարհ։ Հայ ժողովրդի ճարտարապետական հուշարձանները դյուրովի են նրան իրենց բարձր արվեստով, դեղարվեստական կատարելությամբ։ «Ուխտեցի մնալ այստեղ, — գրում է Թորամանյանը, — աշխատել, տրբել... մեր մեծ ժողովրդի հանճարի շնաշխարհիկ բեկորներու փլատակներու և գերեզմանական տրսուր հողակույտերու տակեն աղատել և ցույց տալ ամբողջ գիտական աշխարհին»²։ Հին աշխարհի համընդհանուր ճանաչում ստացած հուշարձաններին քաջածանոթ Թորամանյանը, իրոք, հիանում է Անիի ավերակները դիտելիս։ «Լեռնակնկալ նորություն էր ինձի համար, — գրում է նա, — տեսնելով այնքան դեղադեպիտական գոհարներով լեցուն անկյուն մը, ուր իրր օգնությամբ, Առեւելքի հնադարյան խավարի մեջ ծլած ու ծաղկած էր...



...Ձիս հետաքրքրեցին անոր ոչ միայն մինչև այն ինձ գրեթե անծանոթ գեղարվեստի գեղեցիկ ու ներդաշնակ հոգինվածներու անհուն հարստությունը, այլև մեր ներկա գիտության համար ալ նորություն համարվելու չափ շինարարական արվեստի հետաքրքրական մասերը»³։ Ահա դրանց հետ պիտի առնվեալ կապվեր նրա կյանքը։

Թորամանյանը հարադատ հողի վրա սկսած իր բեղմնավոր աշխատանքի հենց սկզբից կանդնում է համարյա անհաղթահարելի խոչընդոտների առաջ։ Առանձնապես ծանր էր նրա համար Անիում անցկացրած ձմեռը, ուր, թողնելով մեծ բախտի քմահաճույքին, ստիպված էր մեծ զրկանքների պայմաններում կատարել իր առաջին հետազոտական աշխատանքները։ Հիշելով Թորամանյանի այդ ժամանակաշրջանի աշխատանքային պայմանների մասին, պրոֆ. Ն. Մառը գրել է. «Ապրելով ցուրտ, չտաքացվող և մինչև ծնկները անձրևաշրով լըցված սենյակում, Թորոս Թորամանյանը հասավ ծալր աղքատության, նա օրերով սովի էր մատնված, ծածկված էր ցնցոտիներով»։ Պետք է ենթադրել, որ այս պայմաններն են նրան թելադրում ընդունել հաշիկ վարդապետ Գաղչյանի հրավերն ու վերադառնալ էջմիածին. այստեղ նա արժանանում է հրիմյան Հայրիկի ու գիտնական միաբան Գալուստ Տեր-Մկրտչյանի խրախուսանքին և

2 Թ. Թորամանյան. Հվարթնոց եկեղեցին. — «Մուրճ», 1903, № 5, էջ 188. կրճատումներով արտատպված է՝ Նյումբեր հայկական ճարտարապետության պատմության, կաղմեց Կ. Ղաֆաղբաշյան. հ. 1, Երևան, 1942, էջ 247—251։

3 Թ. Թորամանյան. Նամակներ. Երևան, 1968, էջ 8։

մասնակից դառնում Զվարթնոց տաճարի պեղումներին, որոնք սկսված էին մի քանի տարի առաջ հաշիկ վարդապետի անձնական նախաձեռնությամբ:

Երբ Թորամանյանը սկսեց աշխատել Զվարթնոցում, պեղումները դեռ չէին ամբողջացած, տաճարի միայն մեջն էր մաքրված, իսկ դուրսը դեռևս մնում էր չպեղված: Մասնակցելով Զվարթնոցի պեղման աշխատանքներին, նա անգնահատելի ծառայություն մատուցեց գիտությանը՝ կորստից փրկելով մի նշանավոր հուշարձանի մնացորդները և նրանց գիտական աշխարհին ներկայացնելով: Զվարթնոցի վսեմ ու հույակապ ձևերն ավերակների խառնիճադանջ կույտի տակից դուրս բերվեցին, վերականգնացան ու վեր խոյացան և մատչելի դարձան մեր սերնդի համար միմիայն շնորհիվ Թորոս Թորամանյանի հմուտ և խորաթափունց հետազոտության:

Զվարթնոցի ճարտարապետական-տարածական ամբողջ կերպարը, որին հանգեց Թորամանյանը վերակազմության իր նախագծով, հիմնված էր հուշարձանի պահպանված մասերի ուղղորդված զննման, հատակագծից բխող կոնստրուկտիվ համակարգի պարզ պատկերացման և ճարտարապետական բազմաթիվ բեկորների խորաթափանց ըմբռնման վրա: Նրա վերակազմությամբ Զվարթնոցը պատկերանում է մեր առաջ իր եռաստիճան, ուղղաձիգ առանցքի նկատմամբ համախմբված միասնական ծավալով: Զվարթնոցի վերակազմության վերաբերյալ իր հիմնական գաղափարները Թորամանյանը շարադրել է այն փոքր հոդվածում, որը լույս է տեսել 1905 թ. «Մուրճ» ամսագրի 5-րդ համարում և որը փաստորեն հանդիսանում է Զվարթնոցի վերակազմության նրա նախագծի բացատրադիրը:

Թորամանյան գիտնականի մկրտությունը, հայ ճարտարապետության ուսումնասիրության գործում նրա առաջին ավանդը հանդիսացող այս անդրանիկ աշխատանքը ոմանց կողմից ընդունվեց թերահավատությամբ, առաջադրեց բուռն վեճեր: Էջմիածնի որոշ հոգևոր գիտնականներ, նույնիսկ անընդունելի համարեցին այն: Սակայն դա չընկճեց, այլ ընդհակառակը, էլ ավելի կոփեց նրա հաստատականությունը իր գիտական հակառակորդների նկատմամբ: Վերահաս դեպքերն էլ միանգամայն նպաստավոր եղան Թորամանյանի հասարակությանը թագավորության մայրաքաղաք Անիում տարվող հնագիտական սիստեմատիկ բնույթ կրող աշխատանքների ժամանակ, 1905—1906 թթ. ընթացքում բացվեց Ս. Գրիգոր (Գազկաշեն) եկեղեցու ավերակները:

Ինչպես հայտնի է մատենագրական վկայություններից, այս եկեղեցին, որ 1001—1020 թթ. կառուցել էր Տողատ ճարտարապետը Գազիկ I թագավորի պատվերով, ճշտորեն վերարտադրում էր Զվարթնոցի տաճարի ձևերն ու շափերը: Պեղումների ժամանակ գտնվեց նաև Գազիկ թագավորի քարե արձանը՝ իր կառուցած եկեղեցու մանրակերտը ձեռքին: Սա էլ որոշեց Զվարթնոցի վերակազմության շուրջ եղած վեճերը՝ հօգուտ Թորամանյանի տեսակետի, քանի որ Գազիկի կառուցած տաճարը մանրակերտում եռահարկ էր, ուներ եռաթափական այնպիսի ձևեր, ինչպիսին մեկ տարի առաջ ցույց էր տվել Թորամանյանը՝ Զվարթնոցի վերակազմության իր նախագծում: Այս հանգամանքը դիտական շրջաններում մեծ չափով բարձրացրեց Թորամանյանի հեղինակությունը, իսպառ փարատեց այն տարակարծությունները, որ կային Զվարթնոցի վերակազմության նախագծի կապակցությամբ:

Փոխադրվելով Անի, մասնակցելով Ն. Մառի կողմից գլխավորված հնագիտական արշավախմբի աշխատանքներին, Թորամանյանը չի դադարում հետաքրքրվել Զվարթնոցի ճակատագրով: Անխոնջ գիտնականի համար արտակարգ բարենպաստ նշանակություն ունեցավ ծանոթությունը պրոֆ. Նիկողայոս Մառի հետ, «...որուն հովանավորության տակ, — ինչպես նշում է ինքը, — խաղաղ և ապահով կատարեցի ոչ միայն ինձի, այլև համայն գիտական աշխարհի համար շահեկան մի մեծ գործ»⁴: Իր հերթին բարձր էր գնահատում Թորամանյանին Ն. Մառը: «Էջմիածնի տաճարը» աշխատության՝ իր թարգ-

4 Թ. Թորամանյան. Նյութեր..., հ. 2, էջ 287:

մանությունը լույս ընծայման առթիվ Ն. Մառը գրում է. «Ես առավել առողջ լույս եմ սպասում ճարտարապետական հուշարձանների լեզվից, երբ մենք սովորենք այն հասկանալ: Թորամանյանի մեջ ես տեսնում եմ այդ լեզվի առաջին ուսուցչին»⁵:

Շուրջ հինգ տարի, 1905—1909 թթ. Թորամանյանը Մառի ղեկավարած Անիի հնագիտական արշավախմբի մասնակիցն էր: Այդ տարիների ընթացքում նա անգնահատելի ծառայություն մատուցեց գիտությունը, մանրակրկիտ կերպով չափազերելով ու լուսանկարելով բացած հուշարձաններն ու նրանց բազմաթիվ բեկորները, կազմելով Գագկաշենի, Բախտաղեկի և Հովվի եկեղեցիներին, Անիի կամրջի ու հյուրատան ճակատի վերակազմության նախագծերը, չափազերելով բաղմաթիվ բեկորներ ու հուշարձաններ, զբաղվելով առանձին հուշարձանների վերանորոգման ամրացման աշխատանքներով: Սակայն նրա հետադուտությունների շրջանակը շատ ավելի լայն էր, քան այն տարածքը, որ սահմանափակված էր Անիի պարիսպներով: Շիրակում, Արագածոտնում և Արարատյան դաշտավայրում ոտքով գյուղից գյուղ շրջելով, նա անցնում էր մի հուշարձանից մյուսը, հետադուտում, չափազերում ու լուսանկարում էր հայ ժողովրդի շինարարական բաղմադարյան գործունեության տարբեր շրջաններին վերաբերող կանգուն ու կիսավեր հուշարձաններ՝ կուտակելով հայկական ճարտարապետության վերաբերյալ չափազանց հարուստ նյութ, որը նա սիստեմատիկաբար մշակում էր և հանդես գալիս պարբերական մամուլում, բոլորի սեփականությունը դարձնելով իր բեղմնավոր հետադուտությունների արդյունքները:

Սկսած 1905 թ. Թորամանյանը պարբերական մամուլի էջերում հրատարակել է բաղմաթիվ նամակներ ու հոդվածներ հայրենի երկրի հնությունների վերաբերյալ: Հաղթահարելով նյութական մեծ դժվարություններ, որոշ մեկնասաների օժանդակությամբ նրան հաջողվում է հրատարակել նաև աշխատություններ առանձին գրքերով: Դրանցից կարևոր է հիշատակել «Տեկորի տաճարը» մենագրական ուսումնասիրությունը, որը լույս տեսավ 1911 թ. և հանդիսանում է Թորամանյանի նախասովետական շրջանի ամենաուշագրավ գիտական աշխատությունը: Հեղինակը, չսահմանափակվելով հուշարձանի մասնակրկիտ ուսումնասիրությամբ ու վերակազմությամբ, նրանում քննության է առնում հայ ճարտարապետության զարգացման մի շարք սկզբունքային հարցեր:

Նախասովետական շրջանում նա ոչ միայն խոշոր աշխատանք կատարեց հայ ժողովրդի ճարտարապետական ժառանգության ուսումնասիրման և դիտական արժեքավորման ասպարեզում, այլև զբաղվեց այդ ժառանգության լայն պրոպագանդումով՝ առաջավոր հայ մտավորականության և գիտական շրջաններում: Պարբերական մամուլում հրատարակած բաղմաթիվ նամակներից և հոդվածներից բացի, նա հանդես է գալիս զեկուցումներով և հազորդումներով կամ սիրալիր կերպով տրամադրում տարիների քրտնաջան աշխատանքի շնորհիվ հավաքած գիտական հարուստ նյութերը հայ ճարտարապետությամբ հետաքրքրվող հայրենի և օտարազգի գիտնականներին:

Նվրուպական արվեստաբաններից առաջինը Յոզեֆ Ստրիգովսկին է որոշակի հետաքրքրություն ցուցաբերել Թորոս Թորամանյանի գիտական հարուստ նյութերի, դրանց հիման վրա արված համարձակ եզրահանգումների նկատմամբ: Վիեննայի համալսարանի արվեստագիտության ամբիոնը գլխավորող այս գիտնականը, որն իր հետադուտությունների մեջ հետևողականորեն առաջ էր քաշում համամարդկային մշակույթի մեջ Արևելքի ժողովուրդների կարևոր ներդրման տեսակետը, նույն դիրքերից էր մոտենում հայկական ճարտարապետության կազմավորման և զարգացման հարցերին՝ համարձակորեն

⁵ Н. Я. Марр. По поводу работы архитектора Т. Тораманяна «О древнейших формах Эчмиадзинского храма». — Записки Вост. отд. Имп. Русск. Археол. общ. Т. XIX, С.-Петербург, 1909, с. 63.

վերանայելով որոշ գիտնականների, հատկապես բյուզանդագետների (որոնց կարկառուն ներկայացուցիչը Շառլ Դիլն էր) ոչ ճիշտ դիրքորոշումը: Ահա թե ինչու միմյանց հանդիպելու և համագործակցելու ձգտումը երկուստեք էր: Ինչպես Ստրժիգովսկին, այնպես էլ Թորամանյանը այդ օգտակար էին համարում: Երկու գիտնականների միջև կապ ստեղծելու, հայ ճարտարապետությունը ուսումնասիրելու նրանց համատեղ ջանքերում խոշոր է Ստրժիգովսկու ուսանող և աշխատակից Լևոն Լիսիցյանի (ազգագրագետ և բանասեր Ստեփան Լիսիցյանի որդու) ավանդը⁶: Հաստատելով Ստրժիգովսկու առաջադրանքը, Լևոն Լիսիցյանը 1913 թ. մարտի 7-ի իր նամակում գրում է Թ. Թորամանյանին. «...Պ. Ստրժիգովսկին շատ կցանկանար, որ Դուք գաք գոնե մի շորս ամսով Վիեննա, երբ հայկական գեղարվեստի վրա պետք է աշխատեն ինստիտուտի մեջ և Ձեր նյութերն էլ բերեք, որ այստեղ անշուշտ կարելի կլինի գործադրել գիտական ուսումնասիրությունների համար և թերևս հրատարակել»⁷: Իր պատասխան նամակում Թորամանյանը գրում է. «Մեծ հաճությամբ կարդալիք Ձեր նամակը: Հայ գեղարվեստը եվրոպական գիտնականներու ուսումնասիրության նյութ չի ներկայացնում, որ արտիստի ամենամոտիկ բանն է. չափազանց ուրախ եմ և շնորհակալ, որ պր. Լ. Ստրժիգովսկին պիտի աջակցի վաղուց հետե իմ փափալած նպատակիս: Ինձ հայտնի են հարգելի գիտնականին հայ գեղարվեստի համար ունեցած սերը և հանուր աշխարհի ծանոթացնելու համար կատարած աշխատությունները, շատ անգամ ինքս ալ ղեկավարվել եմ անոր կարծիքներով: անկեղծորեն կհայտարարեմ, որ ներկան և ապագան երախտագիտությամբ պիտի հիշե պր. Ստրժիգովսկիի անունը, երբ հարցը պատմական հայ գեղարվեստի ժողովրդականացման վրա է»⁸:

1913 թ. ապրիլի 16-ին Թորամանյանը գալիս է Վիեննա: Առաջին իսկ օրերից մեծ գիտնականը շրջապատվում է Լևոն Լիսիցյանի խնամքով ու հոգատարությամբ: Թորամանյանի մասնակցությունը արվեստի պատմության ինստիտուտում կազմակերպված սեմինարներին կարիք է հարուցում որոշ ճշտումներ մտցնել հայ ճարտարապետությանը նվիրված սեմինարի նախօրոք ընդունած ծրագրում: Ըստ կայացրած պայմանի, Թորամանյանին բաժին է ընկնում տեղեկագրերի և նյութերի (չափագրությունների, լուսանկարների) հայթայթումը, իսկ Լ. Լիսիցյանին՝ դրանց թարգմանությունը և մշակումը գերմաներեն հրատարակության համար: Վերջինիս պարտականությունների մեջ է մտնում նաև հայ և վրաց ճարտարապետության վերաբերյալ ուսերեն աշխատությունների թարգմանությունը գերմաներեն: Այդ մասին կայացած համաձայնությունը ավելի ևս ամրապնդվում է նույն թվականի աշնանը, երբ վերջապես իրականանում է ավստրիացի գիտնականի վաղեմի փափագը՝ տեղում ծանոթանալ հայ ժողովրդի ճարտարապետական հարուստ ժառանգությանը, և երբ Թորամանյանն ու Ստրժիգովսկին կրկին հանդիպում են՝ արդեն Հալստանում:

Ստրժիգովսկու գլխավորած գիտական արշավախումբը (որի մեջ մտնում էին Հայնրիխ Գլյուկեր և Լևոն Լիսիցյանը) Թիֆլիսի վրայով ժամանում է Հայաստան սեպտեմբերի սկզբին և Թորամանյանի առաջնորդությամբ շուրջ 20 օր ծանոթանում է Նիքոկի, Արագածոտնի, Արարատի մի շարք կարևոր հուշարձաններին⁹, կատարում նրանց հանգամանալից հետազոտությունը:

Հանձին Թորոս Թորամանյանի Ստրժիգովսկին հանդիպեց հայ ճարտարապետության մեծ գիտակի, որի հառուստ նյութերն ու գիտելիքները իսկական գյուտ էին նրա համար: Հանձին Յոզեֆ Ստրժիգովսկու Թորամանյանը

⁶ Վ. Մ. Հարությունյան. Գիտական մի համագործակցության մասին. — «Պատմա-բանասիրական հանդես», 1973, № 2, էջ 89—104:

⁷ Թ. Թորամանյան. Նամակներ, էջ 419:

⁸ Նույն տեղում, էջ 192:

⁹ Ստրժիգովսկու զբոսը (Die Baukunst der Armenier und Europa, S. 14—27) գեղեցիկ է մանրամասն հաշվետվություն արշավախմբի աշխատանքների վերաբերյալ:

ձեռք բերեց համաշխարհային ճանաչում ունեցող մի արվեստագետ բարեկամի, որը լայնորեն պրոպագանդեց Թորամանյանի գործունեությունն ու գիտական հավատամքը:

Վերադառնալով Վիեննա, Ստրժիգովսկին և Լևոն Լիսիցյանը առավել ջանասիրտությամբ ձեռնարկեցին Հայաստանից բերած հարուստ նյութերի գիտական մշակումը, սպասելով նոր հանդիպման Թորամանյանի հետ, որն ըստ պայմանավորվածության հաջորդ տարի պիտի Վիեննա գար հայ ճարտարապետության պատմության մասին համատեղ աշխատություն ստեղծելու համար: Վերահաս համաշխարհային պատերազմը Թորամանյանին զրկեց Ստրժիգովսկու հետ կապը վերահաստատելու հնարավորությունից, որի մոտ թողել էր իր գիտական նյութերը: Վերջինս, ելնելով ստեղծված դրությունից, ամբողջությամբ օգտագործեց Թորամանյանի չափագրություններն ու լուսանկարները (նշելով նրանց հեղինակի անունը), ինչպես նաև նրա դրույթները հայ ճարտարապետության վերաբերյալ, շարադրեց և 1918 թ. հրատարակեց իր նշանավոր երկ-հատոր աշխատությունը՝ «Հայերի ճարտարապետությունը և Եվրոպան», որն ընդունվեց մեծ հետաքրքրությամբ և որոշ գիտնականների ստիպեց հիմնովին վերանայել իրենց սխալ տեսակետները հայ ճարտարապետության վերաբերյալ:

* * *

Թորամանյանի խոշորագույն ծառայությունը հայ արվեստի նկատմամբ նախ և առաջ այն է, որ նա հանդամանորեն և հիմնավոր կերպով քննադատության ենթարկեց եվրոպական մի շարք գիտնականների և ճանապարհորդների, հատկապես Դյուբուա դը Մոնպերի, Օգյուստ Շուպի, Շառլ Դիլի և ուրիշների սխալ տեսակետները հայ արվեստի և ճարտարապետության պատմության մի շարք հարցերի մասին:

Եվրոպական այս ականավոր գիտնականների սխալները քննադատելիս Թորամանյանը հանդես է բերում խորը գիտելիքներ ու միայն հայ ճարտարապետության, այլև ճարտարապետության համընդհանուր պատմության հարցերում: Նա իր տեսակետները հիմնավորում է կոնկրետ փաստերով, ցույց տալով այն իրական պատկերը, որով բնութագրվում է հայկական ճարտարապետության դադարացումն առանձին շրջաններում: «Հայոց ճարտարապետության և գեղարվեստի մասին, — գրում է Թորամանյանը, — հայ և օտար լեզուներով շատ տարիներ ի վեր գոյություն ունի մի ընդարձակ գրականություն, սակայն այդ գրականությունը, աննշան բացառությամբ, լուրջ ուսումնասիրություններ չեն»¹⁰: Ինչպես նա նշում է այնուհետև, Հայաստան եկած բազմաթիվ եվրոպացի գիտնական ճանապարհորդներ, որոնց մի մասը ճարտարապետներ են եղել, «...միշտ հակասական և իրականին անհամապատասխան կարծիք են հայտնել այդ հիշատակարանների մասին՝ թուուցիկ տպավորության ներքև: Ոմանք բյուզանդական են կարծել, ոմանք արաբական, ոմանք սելջուկյան, և մինչև իսկ հնդկական տարրեր նշմարողներ եղել են կանգուն կամ կիսականգուն հուշարձանների ոճերու մեջ»¹¹:

Անդրադառնալով եվրոպական գիտության հանդեպ որոշ հայ գիտնականների ունեցած վերաբերմունքին, Թորամանյանը «Տեկոթի տաճարը» գրքի առաջաբանում իրավացիորեն նշում է. «Եթե կկարծեն, որ եվրոպացի գիտնականը, արվեստագետը իրենցմե ավելի խելք ու կարողություն ունի և իրենցմե ավելի լավ կտեսնի ճշմարտությունը, շատ կսխալվին: Այս կարծիքով նախ ինքնզինքնին կղրկեն արժանապատվություն... Ես կկարծեմ, որ բավական է այլևս եվրոպացի գիտնականին մեծ մասամբ իրականություն և ճշմարտություններ դուրս տեսություններն ու վճիռներն թողուլ, որ պատմությունը անմահացնե: Մինչև ե՞րբ անոնք պիտի գրեն և մենք թարգմանենք որպես երկնային

¹⁰ Թ. Թորամանյան. Նյութեր..., հ. I, էջ 48:

¹¹ Նույն տեղում, էջ 52:

պատգամներ մեր գիտության կարոտ հասարակությանը մատակարարելու համար... Ինչո՞ւ համար մեր գիտնական մասնագետներու երևակայության մեջ այնչափ խոշորացել է եվրոպացին, և իրենք փոքրացել են ու չեն համատար, որ իրենք ալ ունեն տաղանդ, կարողություն կազմելու այնպիսի հայագիտական մատենադարան մը, որուն առջև եվրոպացի գիտնականն ալ պատկառանք զգա և փոխանակ տգետ ու անկարող առաջնորդներու տված տեղեկություններն արձանագրելու, այնտեղ գտնել իր փնտրած փաստերն ու ճշմարտությունները»¹²:

Թորամանյանը վճռականապես հանդես եկավ օտարազգի այն գիտնականների դեմ, որոնք փորձում էին հայ ճարտարապետության առաջացման նախադրյալները կտրել հայրենի հողից ու ժողովրդից և դիտել այն որպես բյուզանդական կամ այլ երկրների ճարտարապետության օրգանական մասը: Պիտի նշել, որ այս հարցում Թորամանյանի գիտական հայացքները հեղաշրջող նշանակություն ունեցան ոչ միայն հայրենական գիտության մեջ, այլև մեծ չափով նպաստեցին եվրոպական մի շարք գիտնականների ու արվեստագետների սխալ կարծիքների վերանայմանը: Իրա ցայտուն օրինակը կարող է համարվել Ստրժիգովսկու վերը նշված աշխատությունը, որում հեղինակը ոչ միայն սխալ է համարում հայ ճարտարապետության ինքնուրույնությունը ժխտելը, նրան բյուզանդական ճարտարապետության մի ճյուղը համարելը, այլև համեմատական ընդարձակ նյութի հիման վրա համոզիչ կերպով ցույց է տալիս այն ազդեցությունները, որ ունեցել է հայկական ճարտարապետությունը եվրոպական մի շարք երկրների ճարտարապետության վրա:

Հայ ճարտարապետության ինքնուրույնությունը ճանաչելու համար մեծ կրթությունամբ պայքարելով հանդերձ, ընդգծելով նրա առանձնահատուկ և բնորոշ հատկանիշները, Թորամանյանը, սակայն, այն չի մեկուսացնում ճարտարապետության զարգացման ընդհանուր ընթացքից, չի սահմանափակում ազգային նեղ շրջանակներով, այլ ընդունում է ժողովուրդների միջև տեղի ունեցող փոխազդեցությունը՝ գոյություն ունեցող սոցիալ-պատմական իրադրության և կուլտուրական փոխհարաբերությունների հողի վրա: «Ճշմարիտ է,— գրում է նա «Տեկորի տաճարը» գրքի առաջաբանում,— որ հայ գեղարվեստը հաճախ ենթարկվել է դրացի զարգացած ազգերու ազդեցության, սակայն պարզ բաղդատություն մը բավական է ապացուցանելու, որ անհամեմատ ավելի շատ են ստեղծագործությունները, քան փոխառությունները: Փոխառություններն ալ հազիվ թե գործածված են նույնությամբ, առանց զանոնք հայացանելու: Եվ ինչքան իրենք ազդվել են օտարեն, նույնչափ ալ ազդեր են իրենցմե շատ ավելի մեծ ազդերու վրա:

Պահ մը ենթադրենք, որ օտարներու ազդեցությունը շատ զորեղ լինի հարվեստի մեջ, մի՞թե այդքան արհամարհելի է այս պարագան: Ես կկարծեմ, որ ավելի քան պատվաբեր պետք է լինի, որովհետև չկա մի ազգ պատմության մեջ, որ բոլորովին կղզիացած ապրելով, հասներ քաղաքակրթության գագաթնակետին և ինքը միայն ներգործեր ուրիշ ազգերու վրա, առանց ուրիշեն ազդվելու: ...Արվեստ, գիտություն, լեզու, գրականություն ամեն ազգի մեջ զարգացել են միշտ մեկըմեկեն ազդվելով, և այս է քաղաքակրթության զարգացման բնական օրենքը... Հին հայերը եթե գալիս ի դար փոխվել են և օտարների քաղաքակրթությունը իրենց մեջ մտցուցել են, կնշանակե, թե իրենք հետ չեն բնացել իրենց շուրջը զարգացող քաղաքակրթության հեղաշրջումներին, և անընդհատ մղցել են ամեն ճյուղի մեջ, առանց, սակայն, մեքենաբար հետևողներ լինելու, համառ կերպով պահել են իրենցը և փոխառությունները ենթարկել են իրենց սեփական ճաշակին»¹³:

Այդ տեսանկյունից մոտենալով հալ ճարտարապետության կազմավորման և զարգացման հարցերին, Թորամանյանը նշել է այն բարերար ազդեցություններ, որ կրել են իրենց վրա, ասենք, Հայկական բարձրավանդակում ապրող ցե-

¹² Թ. Թորամանյան. Տեկորի տաճարը, էջ ԺԸ—ԺԹ:

¹³ Նույն տեղում, էջ ԾԶ—ԺԷ:

ղերի կառուցողական տեխնիկան ու ճարտարապետությունն ուրարտականից, Ստրկատիրական շրջանում հունա-հելլենիստական և հռոմեական, իսկ վաղ ֆեոդալիզմի շրջանում՝ սիրիական և այնուհետև բյուզանդական ճարտարապետության որոշ ազդեցություն է եղել հայկական ճարտարապետության վրա, սակայն Թորամանյանն այդ ազդեցությունները երբեք չի դիտել որպես հայ ճարտարապետության զարգացման հիմնական աղբյուր։ «Ինչպես հին ասորաբաղդակական, սասանական, — նշում է նա, — նույնպես հունա-հռոմեական արվեստներու ներգործությունները երկարատև չեն եղած, շուտով ձուլված են հայ արվեստի որոշ ինքնուրույն ոճին մեջ և լիովին կերպարանափոխված են»¹⁴։

Թորամանյանը Հայաստանի վաղ քրիստոնեական որոշ հուշարձաններում (Տեկորի և Էջմիածնի տաճարներ, Երեւոյքի և Քասաղի բազիլիկներ) ու այլ հուշարձանների ճարտարապետական որոշ ձևերում տեսնում է անտիկ ճարտարապետության ավանդույթների առկայություն և դա միանգամայն հասկանալի է, որովհետև մի կողմից՝ հայկական նախաքրիստոնեական արվեստի գծերը, որոնք կաղամվորվել էին հունա-հելլենիստական և հռոմեական արվեստների ներգործությամբ, մյուս կողմից՝ Սիրիայից Հայաստան թափանցած հռոմեական ճարտարապետության որոշ ավանդույթներն անվիճելիորեն իրենց ղերն են խաղացել վաղ քրիստոնեական եկեղեցական ճարտարապետության կաղամվորման գործում։ Զեաստեղծման այդ բարդ պրոցեսը, անտարակույս, ընթանում էր տեղական և անտիկ ճարտարապետական ձևերի սինթեզման միջոցով։ Անտիկ ճարտարապետության ավանդույթների առանձին վերապրուկներ կադրելի է մատնանշել նույնիսկ ծաղկուն միջնադարի հայ ճարտարապետության որոշ հուշարձաններում¹⁵։

Ֆեոդալական Հայաստանի ճարտարապետության ինքնուրույն դժերի վերջնական կաղամվորման ժամանակը Թորամանյանը միանգամայն իրավացիորեն համարում է VII դարը, երբ հայ ճարտարապետությունը նշանավորվում է մի շարք աչքի ընկնող նվաճումներով՝ ինչպես աշխարհիկ և եկեղեցական շենքերի տիպերի ստեղծման, այնպես էլ ճարտարապետական-գեղարվեստական ու կոնստրուկտիվ ինքնատիպ միջոցների մշակման ասպարեզում։

Թորամանյանի դիտական ամբողջ ժառանգության մեջ Հայաստանի V—VII դդ. ճարտարապետության ուսումնասիրությունը գերիշխող տեղ է զբաղում։ Բացի Տեկորի, Երեւոյքի, Քասաղի, Էջմիածնի Մայր տաճարի և Զվարթնոցի մանրամասն հետազոտությունից, նա զբաղվել է նաև Հայաստանի ֆեոդալական ճարտարապետության ծաղկման շրջանին պատկանող մի շարք այլ կարևոր հուշարձանների՝ Հռիփսիմեի և Գայանեի եկեղեցիների, Ավանի, Պտղնիի, Թալինի մեծ ու փոքր, Թալիշի (Արուճի), Մաստարաչի, Արթիկի, Բաղարանի և բաղամթիվ այլ հուշարձանների ուսումնասիրությամբ, որը հնարավորություն է տվել նրան նշելու այն օրինաչափությունները, որոնք հատուկ էին այդ շրջանի եկեղեցական շենքերին՝ հատակագծային տիպերի, ինչպես և կոնստրուկտիվ ու ճարտարապետական-գեղարվեստական լուծումների տեսակետից։ Վերահիշյալ հարցերի հետազոտության արդյունքները շարադրված են նրա «Դարաշրջանական հատկանիշներ», «Մասնավոր ուսումնասիրություն հայոց նախաքրիստոնեական կրոնի և համեմատություններ եկեղեցիների հատակագծերի», «Հայոց հնագույն եկեղեցիների հատակագծային ձևերը», «Ժամանակագրական համեմատություն հայոց հնագույն եկեղեցիներու հատակաձևերու մասին» և մի շարք այլ աշխատություններում։

Դրա հետ միասին, նրա գիտական ժառանգության մեջ ոչ սակավ տեղ է գրավում միջնադարյան, առանձնապես Բագրատունյաց թագավորության ժամանակաշրջանի ճարտարապետության ուսումնասիրությունը։ Նրա կողմից ա-

¹⁴ Նույն տեղում, էջ 53—54։

¹⁵ Տե՛ս վ. Մ. Հ ա Ր Ո Ւ Յ Ո Ւ Ն Յ Ա Ն. Անտիկ ավանդույթների ժառանգորդությունը միջնադարի հայ ճարտարապետության մեջ. — «Պատմա-բանասիրական հանդես», 1983, № 4, էջ 13—21։

վելի հանգամանորեն են ուսումնասիրված Անիի եկեղեցական ու աշխարհիկ հուշարձանները՝ Մայր տաճարը, Գագկաշենը, Փրկչի, Ապուղամբենց, Հովվի, Առաքելոց, Նաղշուի, Բախտաղեկի և այլ եկեղեցիները, ինչպես նաև Բագրատունիների պալատը, «Պարոնի» պալատը, հյուրատունը, կամուրջը և աշխարհիկ այլ կառուցվածքներ։ Նա զբաղվել է նաև Անիի սահմաններից դուրս դասնըվող այնպիսի նշանավոր վանքային համալիրների հետազոտությամբ, ինչպիսիք են Խժկոնքը, Հոռոմոսը, Մարմաշենը և այլն։ Նրա ուսումնասիրությունների մեջ համեմատաբար քիչ են ընդգրկված XIII—XIV դդ. վանքային ճարտարապետական համալիրները։ Այդ շրջանի եկեղեցական ճարտարապետությանն են նվիրված Թորամանյանի «Մի՞րն է իսկական Հոռոմոսի վանքը», «Գագիկի տաճարի վերականգնությունը», «Գավիթ և ժամատուն հայոց հնագույն եկեղեցիների մեջ» և մի շարք այլ աշխատություններ։

Ի տարբերություն այն հետազոտողների, որոնք հայ ժողովրդի հարուստ ժառանգության մեջ գլխավորապես վեր են հանել եկեղեցական հուշարձանները, Թորամանյանը առաջին հետազոտողներից էր, որ հատուկ ուսումնասիրություններ արժանացրեց ֆեոդալական Հայաստանի աշխարհիկ ճարտարապետությանը՝ Անիի պալատական շենքերն ու բնակարանները, հյուրանոցներն ու իջևանատները, կամուրջներն ու պարիսպները, Հայաստանի իշխանական, ամրոցներն ու դղյակները և քաղաքացիական ճարտարապետության բազմատեսակ հուշարձանները։ Նրա «Անի», «Հայաստանի արքունական և իշխանական ապարանքներն ու անոցները կենցաղը», «Զվարթնոցի հարավային կողմի շինությունները», «Անվտ միջնաբերդի պեղումները» և մի շարք այլ աշխատություններ ու հոդվածներ նվիրված են ֆեոդալական Հայաստանի աշխարհիկ ճարտարապետության ուսումնասիրությանը։

Իր հետազոտությունների մեջ Թորամանյանը հատուկ տեղ է հատկացրել նաև շինարարական արվեստի և կոնստրուկցիաների հարցերին։ Դրանց է ներգրավված նրա «Շինանյութերը և նրանց գործածության կերպը հին Հայաստանում» աշխատությունը։ Նույն այդ հարցերին նա մասնակիորեն անդրադառնում է «Զվարթնոց եկեղեցին», «Տեկորի տաճարը» և այլ աշխատություններում։

Ճարտարապետական ստեղծագործության հաջողությունը Թորամանյանը կապում էր ոչ միայն ճարտարապետի հմտության, այլև նրա, կառուցող մարդկանցի ու բանվորի համագործակցության հետ։ «Բավական չէ գործը ղեկավարող և վառվումն երևակայության թռիչքին իրականացման ձգտող ճարտարապետին տաղանդը, — գրում է նա, — եթե ճարտար արհեստավորներու համագործակցությունը չաջակցի՝ մարմնացում տալու ճարտարապետի ուղեղին մեջ ծրագրված հրաշակերտին»¹⁶։

Պատմականորեն քննելով այն պայմանները, որոնցում զարգացել և ստեղծագործական բարձր նվաճումների է հասել ֆեոդալական Հայաստանի ճարտարապետությունը, Թորամանյանը կարևոր նշանակություն է տալիս հայ ժողովրդի դերին, նշելով, որ նա ընդունակ է եղել նույնիսկ անբարենպաստ պայմաններում կերտել ճարտարապետական բարձրարվեստ գործեր։ Մի առիթով նա գրել է. «Երբ Բյուզանդիայի և Պարսկաստանի նենգավոր քաղաքականության մշտապես զոհ դառած բուռ մը հայ ժողովուրդը ծանր հարկերի և տուրքերի տակ ճնշված կկանգնե Զվարթնոցի նման մի գույս գործոց և դուրսբերված մեծագործություններ համարվելու շափ ուրիշ բազմաթիվ գեղարվեստական կոթողներ, եթե Բյուզանդական կայսրության գանձարանն ունենար յուր ձեռքին մեջ, շատ Ս. Սոփիաներ կարող էր կանգնել, որովհետև Զվարթնոցը մենակ չէ մնացած Հայաստանի մեջ, ինչպես միայնակ է մնացել Ս. Սոփիան բյուզանդական բովանդակ կայսրության մեջ»¹⁷։

Թորամանյանի հսկայական հայ ճարտարապետության ուսումնասիրություն

16 Թ. Թորամանյան. Նյութեր..., հ. 1, էջ 262։

17 Նույն տեղում, հ. 2, էջ 77—78։

հիմնական աղբյուրը իրենք հուշարձաններն էին: Նրան խորթ էր այնպիսի մեթոդը, երբ հետազոտությունների համար հիմք են ծառայում ոչ թե կոնկրետ հուշարձանների ուսումնասիրության հետևանքով հավաքած նյութերը, այլ վերացական դատողությունները կամ, լավագույն դեպքում, ուրիշի հավաքած ու հրապարակած նյութերն ու տեսակետները:

Բացի հուշարձանների կենդանի լեզվից, Թորամանյանը մեծ նշանակություն էր տալիս նաև մատենագրական և հնագիտական սովյալներին: «...! Բեր սասանակի արվեստագետները,— գրում է նա,— եթե ուսումնասիրություններով են պարագում, հատվածներ պիտի գտնեն պատմագրությանց մեջ և կամ հասառուտ ակնարկներ, որոնք պատահաբար ընկած են մատենագրի գրչին սակ՝ բոլորովին տարբեր մի պատկեր ամբողջացնելու համար, սակայն սահուն նշանակություն ունեն հինօրյա ճարտարապետության և զեղարվեստի ուսումնասիրության համար»¹⁸: «...Առանց պատմական գրականության ուսումնասիրության,— շարունակում է նա,— պատմական ճարտարապետություն և զեղարվեստ ուսումնասիրել, եթե չըսեմ անկարելի, գեթ շատ գծվար է»¹⁹: Նաև այն Թորամանյանը հատուկ ընդգծում է, որ պատմական գրականությունը պիտի մշակի ինքը արվեստագետը, որովհետև արվեստին վերաբերող առանձին արժեքավոր տեղեկություններ կարող են վրիպել նույնիսկ լավ պատմաբանի ուշադրությունից: Իր բոլոր աշխատություններում նա հանդես է բերում հայկական մատենագրական աղբյուրների մեծ իմացություն և հմտոքն օգտագործում է դրանք հուշարձանների թվագրման ու պատմության համար:

Մեծ է Թորամանյանի գիտական ժառանգությունը, նա խոշոր ներդրում է կատարել հայ ճարտարապետության գիտական պատմության մշակման գործում և ստեղծել մի ամուր պատվանդան, որի վրա հենվելով ընթացավ հայ ճարտարապետության հետագա ուսումնասիրությունը:

Բացի առաջավոր գիտնական լինելուց, Թորամանյանը հառնում է մեր առջև նաև որպես հասարակության ակտիվ անգամ, մեծ հալոնասեր և առաջավոր մտավորական ու որպես այդպիսին կարող է դասվել նախասովետական շրջանի դեմոկրատական աշխարհայացք ունեցող հայ գործիչների շարքը:

* * *

Հայաստանում սովետական կարգեր հաստատվելուց հետո Թորամանյանի համար գիտական գործունեության լայն ասպարեզ բացվեց, նրա հետադարձական տաղանդի դրսևորման նորմալ պայմաններ ստեղծվեցին: Թ. Թորամանյանի, Ա. Թամանյանի, Մ. Սարյանի և ուրիշների նախաձեռնությամբ 1923 թ. ստեղծվեց Հնությունների պահպանության կոմիտե, որի հիմնադիրներից և ղեկավար անդամներից մեկն էր Թորամանյանը, որ երկար տարիներ ամենահմուտ մասնակցություն ունեցավ հայ ժողովրդի բազմադարյան հուշարձանների պահպանության և ուսումնասիրության գործին: Ալեքսանդր Թամանյանի կողմից գլխավորվող այդ համեստ հիմնարկը ձեռնարկեց պատմա-ճարտարապետական հուշարձանների հաշվառման և վերանորոգումների աշխատանքը, որում Թորամանյանը հանդես էր գալիս գլխավոր մասնագետի դերում, ծառայեցնելով այդ գործին իր մեծ գիտելիքներն ու փորձը: Այդ Ժամանակաշրջանի նրա կատարած աշխատանքներից կարելի է հիշատակել Ծրեքուլքի տաճարի հարավային պատի և էջմիածնի Մայր տաճարի հարավային արևելի վերականգնումը (որին մասնակից էր նաև Ա. Թամանյանը), Սանսահյանի կամուրջի խելերի ամրացումը և այլն:

Հանդիսանալով Հայաստանի գիտության և արվեստի նորաստեղծ ինստիտուտի գիտական աշխատակիցը, նա հնագիտական մի շարք արշավախմբերի և պեղումների մասնակիցը դարձավ Վաղարշապատում ու Գեղարդաձորում:

¹⁸ Նույն տեղում, հ. I, էջ 51:

¹⁹ Նույն տեղում:

Հենդամենը երկու տարի աշխատելով որպես Հայաստանի պատմական թանգարանի ճարտարապետական բաժնի վարիչ, նա կազմակերպեց այդ բաժնի աշխատանքները և կազմեց հայկական ճարտարապետության շատ հուշարձանների համառոտ նկարագրերը: Դրան զուգընթաց, Թորամանյանը մինչև իր կյանքի վերջը (1934 թ.) սխտեմատիկաբար աշխատում էր ամփոփել իր 30-ամյա գիտական ուսումնասիրությունները «Նյութեր հայ ճարտարապետության պատմության» մեծածավալ գրքում, որի համար նա գրեց մի շարք ընդհանրացնող գլուխներ, մաքրագծում և հրատարակության էր պատրաստում իր կատարած բազմաթիվ չափագրությունները:

Թորամանյանի վերջին շրջանի գործունեության պտուղն են հանդիսանում «Շինանյութերը և նրանց գործածության կերպը հին Հայաստանում», «Գեղարդածորում կատարածս պեղումների տեղեկագիրը», «Խորհրդային իշխանությունը և մեր պատմական հուշարձանները», «Ակնարկ հայ հին ճարտարապետության վրա» և ուրիշ շատ աշխատություններ ու հոդվածներ:

Մեծավաստակ գիտնականի ուսումնասիրությունների հրատարակումը²⁰ հանդիսացավ նրա պայծառ հիշատակի լավագույն հավերժացումը, մինչևույն ժամանակ խոշոր չափով խթանեց հայ ճարտարապետության պատմության հետազոտումն ուսումնասիրությանը: Լույս են տեսել բազմաթիվ նոր աշխատություններ՝ նվիրված հայ ճարտարապետության պատմությանը, որոնք հիմնականում խարսխվելով Թորամանյանի գիտական ժառանգության վրա, շարունակում են այն կարևոր գործը, որին նա այնպես ազնիվ կերպով ծառայեց իր ամբողջ կյանքում:

Մեծ գիտնականի հիշատակը հավերժացնելու մի կոթող էլ հանդիսացավ նրա նամականիի հրապարակումը²¹: Դա Թորոս Թորամանյանի դժվարին, սրիւրալից ու դիտական վաստակով պսակված կյանքի կատարյալ հայելին է, որն ընթերցվում է հետաքրքրությամբ, հուզմունքով: Ծավալուն այդ գրքում ամփոփված են տարբեր անձանց ուղղված նրա ավելի քան 200 նամակներ, ինչպես նաև նրանցից ստացվածները: Այդ նամակները կարևոր փաստաթղթեր են՝ մեծապես լրացնող հայրենանվեր գիտնականի բացառիկ հետաքրքիր կենսագրությունը, նրա տառապալից կյանքի հուշամատյանը, քաղաքացիական դիրքերի վառ վկայականը: Նամականին առանձնապես գնահատելի է նրանով, որ այն հիմնականում դիտական բովանդակություն ունի, անհատականը կամ բացակայում է կամ էլ մղված է հետին պլան:

Հարազատ ժողովրդին անմնացորդ ծառայած բազմավաստակ գիտնականի հիշատակը անմար է: Հայ ճարտարապետության գիտական պատմության հիմնադիր Թորոս Թորամանյանը արժանի է հավերժ երախտանքի:

Թորամանյանի աշխատությունների այժմ նախապատրաստվող եռահատոր ակադեմիական հրատարակությունը, որտեղ ամփոփվելու է նրա գիտական ողջ ժառանգությունը, գիտնականի հիշատակը հավերժացնող մի նոր հուշակոթող կլինի:

20 թ. Թորամանյան. Նյութեր հայկական ճարտարապետության պատմության, աշխատությունների ժողովածու. հ. I, կազմեց և հրատարակության պատրաստեց Կարո Ղաֆադարյանը, ընդհանուր խմբագրություն Հովսեփ Օրբելու. Երևան, 1942. հ. II, Երևան, 1948:

21 թ. Թորամանյան. Նամակներ, կազմեց և ծանոթագրեց Նազիկ Թորամանյանը. Երևան, 1958:

ТОРОС ТОРАМАНЯН
(К 120-летию со дня рождения)

Доктор архитектуры В. М. АРՄԵՆՅԱՆ

Р е з ю м е

В изучении богатого архитектурного наследия армянского народа велика заслуга Тороса Тораманяна, посвятившего этому свою жизнь и по сути ставшего основоположником истории армянской архитектуры. Научное крещение Т. Тораманян получил в 1903 г. на развалинах Звартноца, обмерив и изучив храм, а затем составив проект его реконструкции. Позднее, в составе археологической экспедиции И. Я. Марра, он принимал участие в раскопках гегардского Ани—столицы средневековой Армении. Здесь ученый обмерял многие памятники, их архитектурные детали, реставрировал их. Расширяя рамки своих исследований, он охватил памятники Ширака, Арагацотна и других районов Армении, что позволило создать стройную теорию развития армянского зодчества, его основополагающих закономерностей. Опубликованные Т. Тораманяном труды обратили на себя внимание отечественных и европейских научных кругов, послужили пересмотру мнений ряда ученых Запада в оценке армянской архитектуры. Научные выводы Тораманяна вместе с богатым фактическим материалом (обмеры, фотоснимки и т. п.) легли в основу капитального двухтомного труда И. Стржиговского «Архитектура армян и Европа» (Вена, 1918). С установлением Советской власти в Армении Тораманян получил широкие возможности для развертывания научной деятельности, принимал участие в организации охраны и реставрации памятников, в археологических раскопках, создании отдела архитектуры Музея истории Армении. Параллельно он занимался обобщением своих многолетних научных материалов для монографии по истории армянской архитектуры; смерть в 1934 г. помешала ему завершить монографию. Научное наследие Т. Тораманяна опубликовано в его двухтомных «Материалах по истории армянской архитектуры» (1942, 1948) и других книгах. В настоящее время готовится новое, академическое издание трудов ученого.